

03 December 2024

1700 Hrs

ایوٹننگ گو جری نیو ز بلیٹن مو ر 03 دسمبر 2024

یوہ آکا شوانی جموں ہے عبید الرحمان تے نصرت چودھری تیں خبر سُنو۔ پہلاں خاص خاص خبر۔

- *1۔ صدرِ جمہوریہ درویدی مرمو نے اج معزور افراد نانہہ با اختیار بنان اور اُن غی حوصلہ افزائی واسطے قومی سطح غا انعام تقسیم کیا ہیں اور کہیو ہے کہ اِن معزور افراد نانہہ ترس غی نہیں بلکہ ہمدردی غی ضرورت ہے۔
- *2۔ وزیر اعظم نریندرمو دی نے 3 نواں فوجداری قوانین غی کامیاب عمل آوری نانہہ قوم غے ناں وقف کیو ہے۔
- *3۔ خواتین ترقی غی مرکزی وزیر انوپریا دیوی نے کہیو ہے کہ سرکار خواتین غی ترقی واسطے وعدہ بند ہے۔
- *4۔ تے عوامی تحفظ قانون غے تحت اُدھم پور پولیس نے دہشت گرداں واسطے کم کر رہی 2 خواتین نانہہ گرفتار کر ليو ہے۔

خبراں غی تفصیل نال پہلاں عبید الرحمان۔

Prez Award

صدرِ جمہوریہ درویدی مرمو نے اج نوی دہلی مانہہ معزور افراد غی با اختیاری اور حوصلہ افزائی واسطے قومی انعام تقسیم کیا۔ اس تقریب غے دوران بکھ بکھ شعباں مانہہ مثالی کم کرن آلا 33 معزور افراد نانہہ انعام دتا گیا۔ صدرِ جمہوریہ نے کہیو کہ اس تقریب غے دوران انعام حاصل کرن آلا افراد پورا سماج واسطے بہترین مثال ہیں اور مُلک غا اداراں نانہہ ان معزور افراد غی با اختیاری واسطے اگے آنو چاہیے۔ موصوفہ نے کہیو کہ ان افراد نانہہ کاروبار تے بُنر ترقی غا موقعہ فراہم کر غے اِن نانہہ روزگار مہیا کرنا چاہیے۔ اور ان غی طرفوں تیار کی گئی اشیاء غی خرید و فروخت واسطے خصوصی انتظام ہونو چاہیے۔ اس موقعہ ور بولتاں واں موصوفہ نے اس طرح کہیو۔ بائٹ۔ صدرِ جمہوریہ نے کہیو کہ ان معزور افراد غی مثال نانہہ سامنے رکھ غے دیگر افراد تے اداراں نانہہ وی ان افراد غی فلاح و بہبود واسطے اپنو کردار ادا کرنو چاہیے۔ اس موقعہ

ور صدرِ جمہو ریہ نے سو گھمہ بہارت ابھیان غو ذکر کرتاں واں کہیو کہ کس طرح یوہ پروگرام معزور افراد نانہہ بااختیار بنان مانہہ اپنو کردار ادا کرریو ہے۔ موصوفہ نے کہیو کہ ساری انسانیت غی یاہ ذمہ داری ہے کہ اُن غے درمیان رہن آلا معزور افراد خود نانہہ با قی لوکاں غے برابر سمجھیں۔ اور سماج نانہہ اس طرح غا افراد نانہہ ہر قسم غا موقعہ فراہم کرنا چاہیے۔ اُن نے بولتاں واں اس طرح کہیو۔ با ٹ۔ اس سال معزور افراد واسطے اس تہاڑا غو موضوع ”پائیدار مستقبل تے مجموعی ترقی خاطر معزور افراد غی قیادت مانہہ توسیع رکھیو گیو ہے۔ موصوفہ نے کہیو کہ عام آدمی غی طرفوں معزور افراد نانہہ وی روزگار غا موقعہ فراہم کرن نال اُن غے اندر خود اعتما دی غو جذبہ پیدا وے اور اُن غی زندگی مزید خوشگوار بنے۔ اس موقعہ ور مزید بولتاں واں صدرِ جمہو ریہ نے اس طرح کہیو۔ باٹ۔ اس تقریب غے دوران سماجی انصاف تے خود مختاری گا مرکزی وزیر ڈاکٹر وریندر کمار وی موجود رہیا۔

PM Criminal Laws

وزیر اعظم نریندر مو دی نے اج چندی گڑھ مانہہ نوا فوجداری قوانین غی کامیاب عمل آوری نانہہ قوم غے ناں وقف کیو ہے۔ اس موقعہ ور مرکزی وزیر داخلہ امت شاہ وی موجود تھا۔ تقریب غے دوران خطاب کرتاں واں جناب مو دی نے اس طرح کہیو۔ باٹ۔ جناب مو دی نے پنجاب تے بریانیہ غی عدالت عالیہ غا وکلاء تیں علا وہ چندی گڑھ بار ایسو سی ایشن غا ممبراں نانہہ چندی گڑھ مانہہ ان فوجداری قوانین غی کامیاب عمل آوری ور مبارکباد پیش کی اور اُن غو شکریو ادا کیو۔ اس موقعہ ور بولتاں واں جناب مو دی نے اس طرح کہیو۔ باٹ۔ مرکزی وزیر داخلہ امت شاہ نے اس تقریب غے دوران اپنا خطاب مانہہ کہیو کہ یہ 3 نواں فوجداری قوانین اگلا 3 سال غے اندر پورا ملک مانہہ لاگو کر دتا جائی گا۔ وزیر موصوف نے کہیو کہ یہ قوانین بہارت غا لوکاں نے بہارت غی پارلیمنٹ غے اندر تیار کیا ہیں اور یہ قانون عوام نانہہ انصاف مہیا کران خاطر تیار کیا گیا ہیں۔ اس تیں پہلاں وزیر اعظم تے وزیر داخلہ نے ان قوانین غا سلسلہ مانہہ اک نمائشی پروگرام مانہہ وی شرکت کی اور نواں قوانین غے تحت جرائم غی تحقیقات غا براہ راست مظاہرہ تے منظر وی دیکھیا۔

Tribute Rajinder Parsad

صدرِ جمہو ریہ درویدی مرمو تے وزیر اعظم نریندر مو دی نے ملک غا پہلا صدر ڈاکٹر راجندر پرساد غا جنم تہاڑا ور خراج عقیدت پیش کیو ہے۔ اک سوشل میڈیا پیغام مانہہ کہیو کہ بھارتیہ جمہو ریت غی بنیاداں نانہہ مضبوط بنان مانہہ قانون

ساز اسمبلی غا چیرمین ڈاکٹر راجندر پر ساد غو بڑو اہم کردار رہیو ہے۔ اور اج پورو ملک آئین اپنایا جان غا 75 سال مکمل ہون
ور خوشی منا رہیو ہے تے اس سلسلہ مانہہ راجندر پرساد غی زندگی تے اُن گا خیالات ہم سب واسطے مشعل راہ ہیں۔

LG Uber Shikara

لیفٹنٹ گو رنر منوج سنہا نے جموں کشمیر سیاحتی سیکٹر غا عملہ نانہہ سرینگر مانہہ اُپر شکارہ خدمات شروع کرن ور
مبا رکباد پیش کی ہے۔ اک سوشل میڈیا پوسٹ مانہہ ایل جی موصوف نے کہیو کہ اُپر شکارہ خدمت غی شروعات نال
سیاحاں نانہہ اس کشتی غی سواری کرن مانہہ کافی آسانی وے گی اور روایتی ثقافت غے اندر اس ٹیکنالوجی غو
استعمال کا فی اہمیت رکھے۔ اُن نے کہیو کہ ہم سب مل غے بھارت غا اس تاج نانہہ عالمی سطح ور سیاحت غو بہترین
مرکز بناواں غا۔ موصوف نے کہیو کہ اس وقت سردیاں غو موسم ہے اور جموں کشمیر غا لوک اس موسم مانہہ تمام لوکاں
نانہہ کشمیر غی سیر کرن واسطے مدعو کریں۔

LG Condolence

لیفٹنٹ گو رنر منوج سنہا نے قانون ساز اسمبلی غا سابق ممبر تے سیا سی لیڈر چودھری پیارا سنگھ غی وفات ور ڈکھ
غو اظہار کیو ہے۔ اپنا تعزیتی پیغام مانہہ جناب سنہا نے کہیو کہ چودھری پیارا سنگھ غی وفات بڑا صدمہ غی گل ہے اور
اس ڈکھ غی گھڑی مانہہ ہم سب اُن غا گنہہ نال ڈکھ مانہہ برابر غا شریک ہاں۔ جناب سنہا نے اُن غی روح غا سکون
واسطے دُعا وی کی۔

LS Weavers

کپڑا غی صنعت غا وزیر گری راج سنگھ نے کہیو ہے کہ سرکار کپڑاں غی بُنائی غا شعبہ نال جڑیا افراد غی فلاح وبہبود
واسطے لگاتار کم کر رہی ہے۔ اور کپڑاں غی بُنائی غا قومی کمیشن بنان غو فی الحال کوئی منصوبہ نہیں ہے۔ موصوف نے
کہیو کہ مرکزی سرکار اس شعبہ نال جڑیا افراد غی مالی مدد کر رہی ہے۔ لوک سبھا مانہہ اک سوال غو جواب دیتاں وائے
جناب سنگھ نے کہیو کہ بُنائی غا شعبہ نال جڑیا افراد غی تعداد ملک غے اندر 26 لکھ ہے جن وچوں 72 فیصد خواتین ہیں۔

اُنہاں نے کہیو کہ سرکار اس ضمن مانہ کئی فلاحی اسکیم چلا رہی ہے۔ جن مانہ لوہکا گروپ غی ترقی غا پروگرام، بتم کھڈی واسطے منڈی غی سہولیات تے بڑا ترقیاتی پروگرام شامل ہیں۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال نصرت چودھری۔

Annapurna Women

خواتین تے ترقی غی مرکزی وزیر انوپریا دیوی نے اج کہیو ہے کہ حکومت خواتین غی ترقی واسطے پُر عزم ہے تے خواتین غی زیر قیا دت ترقی غی جانب آگے بدھ رہی ہے۔ نوی دہلی مانہ اک پریس کا نفرنس نال خطاب کرتاں واں اُنہاں نے کہیو کہ وزیر اعظم غانظریہ مانہ خواتین غی قیا دت مانہ ترقی حاصل کرنو ہے، خواتین نانہ ہر شعبہ مانہ قیا دت غا مواقع فراہم کرنو ہے، اُنہاں نے کہیو کہ خواتین تے بچاں غی ترقی غی وزارت نے حال ہی مانہ بچیاں غی صلاحیتاں نانہ بدھان واسطے ہنر مندی غی ترقی غی وزارت غے نال اک معاہدہ ور دستخط کیا ہیں۔ اُنہاں نے اس گل ور روشنی کھلی کہ ”نمو ڈرون دیدی“ تے ”لکھ پتی دیدی“ جیسا اقدامات دیہی خواتین نانہ خود انحصار بنا رہیو ہے۔ نواں 3 فوجداری قوانین غا بارا مانہ دستاں واں اُنہاں نے کہیو کہ ان قوانین غے تحت حکومت غی بنیا دی توجہ خواتین تے بچاں غے خلاف جرائم گا معاملات مانہ مجرماں نانہ سزا دین غے بجائے متاثرین نانہ انصاف فراہم کرنو ہے۔

Udhampur OGWs

اُدھم پور پولیس نے دہشت گرداں غی ساتھی 2 خواتین نانہ عوامی تحفظ قانون پی ایس اے غے تحت حراست مانہ لیو ہے۔ آکاشوانی جموں غا نامہ نگار نے اطلاع دتی ہے جے مذکورہ خواتین غی شناخت مرئم بیگم زوجہ محمد شفیق ساکنہ لو دھرا بسنت گڑھ تے ارشاد بیگم زوجہ مرحوم جمال دین ساکنہ رائی چک بسنت گڑھ جن غا بارا مانہ اندازو لایو گیو تھو، کہ یہ جموں کشمیر غی سلامتی واسطے اک اہم خطرو ہیں۔ یہ خواتین دہشت گرد تنظیمان نانہ مدد فراہم کرن تے دہشت گرد گروپاں واسطے رہنما تے سہولت کار غا طور ور کم کرن مانہ ملوث پائی گئیں۔ اس طرح غی ان غی مسلسل شمولیت جموں کشمیر غی سلامتی واسطے اک اہم خطرو ہے۔ ان غی سرگرمیاں نانہ مد نظر رکھتاں واں دوہاں نانہ پی ایس اے غے تحت حراست مانہ لین غو حکم دتو گیو ہے۔

Raising Day RNU

علا قائی نیو ز یونٹ آکاشوانی جموں 6 دسمبر 2024 نانہہ اپنو 54 ووں یومِ تا سیس منا وے گو۔ یومِ تاسیس گا موقعہ و ر آر
این یو سویرے ساڈھا 9 بجے 30 منٹ غو خصوصی پروگرام نشر کرے گو، جھیڑو آر این یو غا سابق افسراں تے نیوز ریڈر
غی گفتگو تے انٹرویو ور مبنی وے گو۔

اس غے نال ہی خبراں غو یوہ بلیٹن ختم ہوؤ۔